

直隸霍州志卷十七

古蹟

陵墓寺
觀附

晉寧志謂古蹟所存地方受累蓋以冠蓋往來厨
傳供張易增煩費耳而州之受累則以衝途於古
蹟固無咎也夫中鎮一山媧皇一廟神聖尊嚴不
得侈爲遊觀之所其他山川險要陣戍遺蹤非道
路所經即攀躋難及而斷碑殘碣敗壁頽垣又不
過與古寺荒墳同其寂寞然則茲編所及或轉致
慨於嗜古者之難其人也

直隸霍州志

卷十七

古蹟

一

本州

彘城西三里水經注汾水又南過永安縣西故彘縣也
周厲王流於彘卽此城也

夏王城東四十里東城村相傳赫連氏城基址微存

呂州城汾河西隋志開皇十六年置汾州十八年改呂
州郡縣志霍邑西南十里有呂城紀聞云霍邑古呂
州卽彘也唐爲呂州治卽永安其城甚固綱目質實
故城霍州西三里

永安故郡隋志後魏置并置永安縣開皇初郡廢改縣

曰霍邑

霍公求故居水經注晉獻公滅霍霍公求奔齊晉大旱
卜曰霍太山爲崇使趙夙召霍君奉祀晉復穰蓋霍
公求之故居也

觀阜故百邑也原過受竹書於王澤後趙襄子滅智氏
祀三神於此

仇池壁者魏志正始二年復置永安縣治仇池壁
避暑宮南五十里霍山上相傳赫連勃勃避暑處 舊
志知州褚相又謂爲唐堯避暑處

直隸霍州志

卷十七

古蹟

一一

土橋在千里徑相傳唐太宗至此橋斷不能渡禱於神
橋遂湧出

先鋒臺城東北相傳唐高祖授太宗先鋒印於此
聖馬跡西南五十里相傳尉遲恭追太宗躍馬於此兩
岍石上馬跡存焉

唐西福昌寺碑許敬宗撰文

陵墓

周厲王陵

城西南隅王
奔彘葬焉

夏王赫連勃勃墓

州東南五十里
霍山麓多奇卉

隋中郎將宋老生墓

州東二里許今移城北
宋張商英詩碑亦存

唐將軍燕巒墓

唐杜將軍墓

州東三里杜壁村

宋節度使高繼嵩墓

州東庫拔村按各志皆誤此為士
廉墓士廉陪葬昭陵安得復墓此

耶

元忠義公邢飛翰墓

州西白龍村

元隴西伯李榮祖墓

州東靳壁村

元元帥程榮墓

州東北三里許

明安僖王墓

州東北賈孟村

直隸霍州志

卷十七

古蹟

三

恭和王墓

州東河壁川

温會王墓

州東河壁川

學正曹月川墓

州東三十里杜蘇村堡碑碣尙存
按本傳公卒官年五十九貧不能歸

葬遂墳於此子二瑜琛廬墓相繼
死亦葬墓側久之乃得反葬澗池

都憲李廷儀墓

州東北李家墳村

方伯郭韶墓

州東北三里許

御史周正墓

州北二里許

忠節公任光裕墓

州東靳壁村

寺觀

西福昌寺

名城內宣化坊唐貞觀四年勅尉遲恭監造初

年地震延祐三年僧聚成重建元至正十八年燬

明洪武十五年置僧司僧了重印重修按初學記

普濟寺唐太宗破宋老生於此貞觀三年勅建給度

牒勅撰碑記詔曰有隋失道九服沸騰朕親總元戎

致茲明罰咸有其桀犬嬰此湯羅銜鬚義憤終乎握節

各狗所奉咸有可嘉日往月來也川斯遠雖項籍放

命封樹紀於邱墳紀信捐生丹素著於圖象猶恐九

泉之下尚淪鼎鑊八難之間永纏冰炭愀然疚懷用

忘興寢所以樹其福田濟其營魄可以建義以來交

兵之處為義士兇徒殞身戎陣者各建寺刹招延勝

侶望法鼓所振變爰火於青蓮清梵所聞易苦海於

甘露所司量定處所並立寺名支配僧徒及修院宇

具為事條以聞稱朕哀矜之意仍命虞世南李百藥

褚遂良顏師古岑文本許敬宗朱子奢等為碑銘以

紀功業通志於西福昌

寺下復載普濟寺今訂正

古蹟

直隸霍州志

卷十七

古蹟

四

東福昌寺

唐貞觀四年僧圓琳重建後改霍山驛明洪武十八

年僧賢仁奉勸合仍建為

寺今改名祝聖寺有碑記

廣順寺

宣一里金天會十一年僧德善

金田寺

楊一宋政和四年建在杜庄村

玉泉寺

谷口山麓

香巖寺

新壁村南金

雲峰寺

新壁村唐大

龍岩寺

石鼻

興國寺

郭庄村唐貞

觀

十年建

寶峯寺

大張村

鴈塔寺

州南山巔明嘉靖知州李春建
谷塔學正陳潤撰記後因建寺

大清觀

宣道一里宋天聖二年道人陶崇仁建
年道人陳泰師修明洪武十五年設道正司

國朝康熙六年州牧查振宗率李勝等重修道光五年邑人董培德等修董翔鳳記觀有尚青山塑像

清虛觀

下樂平村唐顯慶二年建元大德
和志通修嘉慶五年曹仁析修自為記

慶雲觀

大張村

龍泉觀

白龍村李一槐記

七真庵

西南隅周岐窳有記

淨土庵

在宣三里明天啓間邑人李廷儀建

直隸霍州志

卷十七

古蹟

五

萬聖庵

城北二十里周村舖路當衝要康熙初僧人善輝建庵施茶嗣邑人李勝僧人覺恒捐資繼之

按郡縣志每載八景十景此最為惡習舊志併標題
景致自為一志此尤不知其何所為而為此也今姑
載其名於寺觀之後亦所謂未能免俗者

霍岳宿雲

汾川泛月

玉泉帝迹

彘谷仙遊

艮阜龍湫

方池魚躍

西山夜火

東嶺夕暉

趙城縣

服牛臺

在伏岩里相傳伏羲服牛以駕遂名其臺傍有服牛坑至今蹄跡猶存

補天石

在女媧正陵右百竅天綠雲擁護題咏甚衆上而闌盾之古柏參天綠雲擁護題咏甚衆

完李宗懷為
立孝感碑

上古媧皇陵

舊志載在侯村里有東西相距四十步各高二丈周圍各四十八步舊說距城

八里今稱五里陵在廟宮之後三面繚垣其一西南隅相傳副陵也又云葬衣冠者正陵在西北隅按

成家記女媧墓有五一在潼關口屬陝之閿鄉縣一在河東縣南五十里與潼關對一在濟之任城東南

三十九里一在趙簡子城東一在晉之趙城東南五里即茲陵也宋乾德四年詔於此給守陵五戶長吏

春秋奉祀開寶六年右補闕裴麗澤撰廟碑銘曰平陽故都得女媧之原廟遂命中使葺事有司揆功選

異村召大匠以堅易脆去故就新則趙城之媧皇陵著已久矣歷代胥遣官致詳邑志

周趙簡子墓

縣東塚高一丈一尺周圍三十五步有碑記按通志趙簡子墓在壽陽縣西北賀

魯城東隋圖經在歷陸縣未知孰是

直隸霍州志

卷十七

古蹟

七

周趙上卿藺大夫墓

許村里有石器碑記存按通志平陽府志皆載為藺相如祖塋與

縣志異
今從縣

漢樊噲墓

樊村里塚高一丈五尺周圍四十步有碑記

紀信墓

東南二十里有碑記

鄧惲墓

石明里又有墓在代州其墓柏名鄧鄆柏

金忠獻公田忠良墓

縣東十五里有碑記

狀元王綱墓

縣北簡子廟前有石器碑記

元文靖公徐毅墓

石明里許文正公衡撰神道碑

明懷仁榮定王墓

縣東南五十里師屯村

國朝贈都司僉書晉公墓

晉公名大忠康熙間官浙死於王事總督李之芳撰墓表

王貞烈女墓

城北三里許為邑庠王永清之女兄

寶嚴寺

唐武德元年建大德中重修明洪武十五年置僧會司永樂十年修有兩木合軀榆內而柏外

謂之柏抱榆相傳呂祖嘗題詩於此在東門外

興唐寺

霍山深谷中唐貞觀元年建喬宇霍山記云唐太宗始建斷碑猶存依山帶壑特勝他處宋杜

衍元趙承禧胥有詩

休糧寺

霍山頂本名慈雲漢建和中建寺左有打鼓泉其南岩東為休糧龕菩薩辟穀處也又有馬跑

泉南有說法臺羣龍聽講石又池曰天池生金蓮花

廣勝寺

寺二霍山上一在下唐大厯間建柏萬有本盡南向所謂廣勝奇柏也下有霍泉旁有有枝

直隸霍州志

卷十七

古蹟

八

觀瀾二亭山上有飛虹塔為阿育王藏舍利處相傳為中原第二塔塔項放光二三月青色大如甕五六

寺有唐太宗御製讚明永樂間修正德間僧達重修月放白毫光或金光皆緣宋奸臣張商英之邪說耳

高三百六十尺

天寧觀

在桂林坊一名萬壽宮宋太平興國五年建

騰雲觀

城東南一里周顯德三年建名卧雲觀明知縣賀國定改今名

萬松院

舊名喝石庵知縣呂維澣改今名

靈石縣

已載山川關隘志者不重見

文學里

西四十里有卜祠

英雄相遇處

在小水鎮世傳即李靖紅拂野店來佳客處在邑宰王志灑有詩云當時野店來佳客

千載青山說美人
真自然名句也

瑞石 北門外高六七尺玲瓏嶢岫似鐵似石扣之其聲如磬相傳隋文帝傍汾開道獲石有文曰大道永

亭今其字不可辨有
吉覆之改稱曰靈石

介廟牡丹 綿山介廟有牡丹數本不知何時所種相傳花開時皆紅色每有白花一朵開無定處因

以爲神云

聖松 在一殊原相傳文殊坐化於此種松一株葉樛屈扶踈高四丈許

法師泉 在旌介村鍾靈池西南泉味甘美云可療疾有遠汲者

羅成橋 在南塢村相傳羅成禦寇於此

手痕碑 在陰地關唐大厯四年崇徽公主出塞道出汾州以手拓石壁遂有手痕舊立有碑今已漫滅

直隸霍州志

卷十七

古蹟

九

獨手痕至今宛然李山甫詩一招纖痕更不收翠微
蒼蘚幾經秋誰陳帝子和番策我是男兒爲國羞寒

雨洗來香已盡淡烟籠着恨常留可
憐汾水知人意旁與吞聲未忍休

照灘碑 在夏門西數里有通濟橋蘭陵蕭珙碑兩碑相照王宰碑其北有通濟橋蘭陵蕭珙碑兩碑相照

皆摩崖書水落乃可撮取以地在幽僻無知者近邑
宰王志灑搜尋古跡得之邑人梁中靖爲之記見藝

文

淮陰侯廟碑 南二十里元至正庚子集賢學士歸暘撰文

晉介之推墓 縣東張嵩村地名神林

漢韓信墓 縣南高壁鎮即韓侯嶺也

宋贈尚書祠部員外郎文統墓 在孝義原孫彥博志見藝文

宋名臣師範墓

縣東尹村

金尚書馬瓊墓

縣西文家莊

元元帥温舜墓

文里温家溝大灘瑩

元進士喬世綱墓

尹方村

明都憲吳珉墓

索州鎮北路旁

知州裴泰墓

縣南五里路西

主事裴繼芳墓

縣南五里路西

知縣王者佐墓

縣東村

監軍道王之楨墓

縣東蒜峪村南

直隸霍州志

卷十七

古蹟

十

三忠義士任守清劉佩賀九思墓

冷泉關南路西

國朝副總兵韓進墓

縣東北焦俊原

遊擊何道深墓

縣北河西朱家嶺

太僕寺卿王如玉墓

縣東靜昇村

知府何道生墓

縣北兩渡鎮

清涼寺

小水鎮東山上有二刹相隔里許相傳有僧坐化於此

白衣菴

在石膏山相傳為白衣觀音坐化處

聖壽寺

在清涼山山界靈隰之交相傳張果老坐化於此

資壽寺

在蘇溪村明洪武間置僧會司併興國崇福安靖三寺人焉

瑞靈觀

東門外金時建名修道正司
至順年修改今額置道正司

直隸霍州志

卷十七

古蹟

十一